

Greinargerð með tillögu að starfsleyfi KG fiskverkunar ehf. á Rífi.

Meðfylgjandi er tillaga að endurnýjuðu starfsleyfi fyrir fiskvinnslu KG fiskverkun ehf. við Melnes 1 á Rífi.

Starfsemin er nánast óbreytt frá því að starfsleyfi var gefið út 2007 og gildi til 12 ára fyrir flökun, söltun og pökkun á allt að 4000 tonnum af bolfiski á ári.

Frá upphafi hafa mengunarvarnir fyrirtækisins verið í samræmi við lög og reglur. Þarna er t.d. skiljubúnaður fráveitu við vinnslusali.

Fiskvinnsluhús hefur verið stækkað frá upphaflegu leyfi en mengunarvarnabúnaður sá sami. Þá eru plön við vinnsluhús lögð bundnu slitlagi með niðurföllum.

Í samræmi við reglugerð nr. 550/2018 um losun frá atvinnurekstri og mengunarvarnaeftirlit ber að auglýsa öll starfsleyfi sem falla undir reglugerðina.

Starfsleyfistillögu skal auglýsa á heimasíðu útgefanda, www.hev.is, í minnst 4 vikur þannig að einstaklingum og fyrirtækjum sem málið varðar geti gert athugasemdir við starfsleyfið.

Starfsleyfistillagan verður því almenningi til sýnis á heimasíðu Heilbrigðiseftirlits Vesturlands auk þess sem hún verður send sérstaklega til umsækjanda og skrifstofu Snæfellsbæjar.

Gefinn er frestur til 17. apríl 2020 til að gera skriflegar athugasemdir við starfsleyfistillöguna. Athugasemdir skulu sendar á netfangið heilbrigðiseftirlit@hev.is.

HH



Heilbrigðiseftirlit
Vesturlands

Starfsleyfi

fiskvinnsla

Nafn fyrirtækis: KG fiskverkun ehf.

Heimilisfang: Melnes 1, Rifi Fasteignanr: 228-5130 Póstnúmer: 360 Hellissandur

Kennitala: 410998-2469 Sími: 436 6846 Netfang: dh@kg.is; fh@kg.is

Forráðamaður: Daði Kristjánsson

Útgáfudagur leyfis: apríl 2020

Gildir til: apríl 2032

Fyrirtækið skal hlíta ákvæðum laga nr. 7/1998 um hollustuhætti og mengunarvarnir, reglugerðar nr. 550/2018 um losun frá atvinnurekstri og mengunarvarnaeftirlit, reglugerðar nr. 737/2003 um meðhöndlun úrgangs, reglugerðar nr. 884/2017 um varnir gegn olíumengun frá starfsemi í landi, reglugerðar um hollustuhætti nr. 941/2002 og öðrum reglugerðum sem gilda um starfsemina á hverjum tíma og skilyrðum á fylgiskjali með leyfi þessu.

Um starfsumhverfi og öryggi starfsmanna fer samkvæmt lögum nr. 46/1980 um aðbúnað, hollustuhætti og öryggi á vinnustöðum.

Fyrirhugaðar meiri háttar breytingar á húsnæði, framleiðslu eða rekstri skulu gerðar í samráði við Heilbrigðiseftirlit Vesturlands þannig að hægt sé að meta hvort sækja beri um nýtt leyfi.

Starfsleyfið skal endurskoða að jafnaði á fjögurra ára fresti. Ef fyrirtækið flytur fellur starfsleyfið úr gildi.

Leyfið er útgefið samkvæmt ákvæðum laga nr. 7/1998 og reglugerðar nr. 550/2018.

Fyrirtækið skal árlega greiða eftirlitsgjald í samræmi við gildandi gjaldskrá þar um. Gjald þetta skal standa undir kostnaði við reglubundið eftirlit Heilbrigðiseftirlits Vesturlands og starfsleyfisvinnslu. Gjöld má innheimta með fjárnámi. Gjöld skulu tryggð með lögveðsrétti í viðkomandi fasteign tvö ár eftir gjalddaga þegar leyfi eða þjónusta er tengd notkun fasteignar.

Hvalfjarðarsveit apríl 2020

Fylgiskjal

KG fiskverkun ehf.

Heilbrigðisnefnd Vesturlands veitir KG fiskverkun ehf., kt. 410998-2469 endurnýjað starfsleyfi til að reka fiskvinnslu við Melnes 1 á Rífi. Forsvarsmaður starfseminnar er Daði Hjálmarsson.

1. Um starfsleyfið

- 1.1. Gildistími starfsleyfisins er 12 ár frá útgáfudegi. Starfsleyfið skal endurskoða að jafnaði á fjögurra ára fresti og einnig ef:
 - a) breytingar verða á eignarhaldi eða rekstri. Allar meiri háttar breytingar á rekstri skal tilkynna til Heilbrigðiseftirlits Vesturlands með góðum fyrirvara þannig að a.m.k. gefist 4 vikur til að meta þær og hugsanleg áhrif á starfsleyfið.
 - b) fram koma skaðleg áhrif starfseminnar á umhverfið, meiri mengun af völdum atvinnurekstrarins en búast mátti við eða hættu sem ekki var áður ljós.
 - c) gerðar eru nýjar kröfur eða breytingar verða á bestu fánlegri tækni sem gildir um reksturinn.
- 1.2. Starfsleyfið er gefið út af Heilbrigðisnefnd Vesturlands í samræmi við lög nr. 7/1998 og reglugerð nr. 550/2018.
- 1.3. Leyfið gildir fyrir vinnslu á fiski, flökun, söltun og pökkun, allt að 4000 tonnum upp úr sjó.
- 1.4. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað hollustuhætti og öryggi á vinnustöðum, með síðari breytingum.
- 1.5. Eintak af starfsleyfinu skal ávallt vera tiltækt í fyrirtækinu og skal kynna öllum starfsmönnum ákvæði þess. Forsvarsmaður fyrirtækisins er ábyrgur fyrir að það starfi samkvæmt því.

2. Húsnæði, lóðir, umhverfi og fastur búnaður.

- 2.1 Fyrirtækið skal halda húsnæði og umhverfi snyrtilegu.
- 2.2 Lóð fyrirtækisins skal haldið snyrtilegri, plön lögð bundnu slitlagi og geymslusvæði girt af (eftir þörfum).
- 2.3 Geymsla á óhreinum ílátum undan hráefni eða úrgangi er óheimil utandyra.
- 2.4 Loftræstingu skal þannig háttað að hún valdi ekki fólki í nærliggjandi húsakynnum eða vegfarendum óþægindum vegna lyktar, mengunar eða hávaða.
- 2.5 Fyrirtækið skal hafa fullnægjandi búnað, t.d. síu, slógbrunn og fitugildru, til að hindra að föst óhreinindi berist í holræsakerfið. Slíkum búnaði skal komið fyrir bæði við niðurföll á vinnslusvæði og plani þar sem ætla má að lífrænn úrgangur falli til. Sé búnaður ekki hreinsaður með samfelldum hætti skal hreinsa hann daglega eða með öðru viðeigandi millibili. Aðstaða skal vera til að geta mælt frárennsli frá hreinsibúnaði.
- 2.6 Eftirlit og viðhald með vélum og mengunarvarnabúnaði skal ávallt vera með þeim hætti að ekki eigi sér stað óleyfileg útlosun.

3. Starfsemin.

- 3.1. Allt hráefni og úrgang skal geyma innandyra eða á annan hátt sem heilbrigðiseftirlit getur samþykkt.
- 3.2. Úrgang sem til fellur vegna starfseminnar skal flytja burt og endurnýta eða farga á urðunarstað sem hefur til þess leyfi.
- 3.3. Hvers konar urðun eða brennsla úrgangs er með öllu óheimil á vegum fyrirtækisins.
- 3.4. Fyrirtækið skal takmarka hávaða frá starfseminni eins og kostur er. Umhverfishávaði skal vera innan þeirra marka sem gert er ráð fyrir í reglugerð nr. 724/2008 um hávaða.

4. Verkstæðisaðstaða.

4.1. Mengun í fráveitu:

- Óheimilt er að losa hættulegan efnaúrgang í fráveitu.
- Fráveitulagnir frá verkstæðisaðstöðu skulu aðgreindar frá öðrum lögnum. Á þeirri lögnum skal vera gildra til að fanga olíur og önnur efni sem kunna að berast í fráveituvatn.

4.2. Sækja þarf um sérstakt leyfi fyrir öllum olíutönkum og hlíta kröfum um umbúnað þeirra.

5. Notkun og meðferð hættulegra efna.

- 5.1. Umbúðir hættulegra efna skulu merktar samkvæmt ákvæðum reglugerðar nr. 236/1990 með síðari breytingum um flokkun, merkingu og meðferð eiturefna, hættulegra efna og vörutegunda sem innihalda slík efni. Starfsfólk skal hafa fullnægjandi þekkingu á eitrunarhættu og eiginleikum þeirra efna sem það vinnur með og skulu upplýsingar þar að lútandi ávallt vera tilrækar á vinnustað.
- 5.2. Verði óhapp eða slys við meðhöndlun hættulegra efna s.s. sóttþreinsiefna eða spilliefna, þannig að hætta sé á umhverfisskaða eða heilsutjóni almennings, ber tafarlaust að gera nauðsynlegar ráðstafanir til að stöðva leka og forðast umhverfismengun og slys á fólki. Tilkynna skal atvikið til Heilbrigðiseftirlits Vesturlands eins fljótt og auðið er.
- 5.3. Fyrirtækið skal safna öllum spilliefnum sem falla til við starfsemi þess. Óheimilt er að blanda saman mismunandi flokkum spilliefna eða blanda við annan úrgang.
- 5.4. Geyma skal spilliefni og hættuleg úrgangsefni þar sem ekki er hætta á að umbúðir verði fyrir hnjaski.
- 5.5. Spilliefni skal ekki geyma til langframa á umráðasvæði fyrirtækisins. Þeim skal skilað til viðurkenndrar móttökustöðvar.

6. Eigið eftirlit.

- 6.1. Fyrirtækið skal halda dagbók þar sem skráð er jafnóðum:
- 6.2. Innkaup efna, t.d. kælivökva, sem geta orðið að hættulegum efnaúrgangi. Tiltaka skal magn (kg,l) og þann flokk hættulegs úrgangs sem efnið mun tilheyra.
- 6.3. Magn (kg,l) og gerð hættulegs úrgangs sem skilað hefur verið til móttökustöðvar eða flutningsaðila.
- 6.4. Magn lífræns úrgangs sem fyrirtækið lætur frá sér.

7. Helstu lög og reglugerðir sem starfseminar varða og rekstraraðilar uppfylli:

- a) Lög um hollustuhætti og mengunarvarnir nr. 7/1998.
- b) Lög um meðhöndlun úrgangs nr. 55/2003
- c) Reglugerð nr. 550/2028 um losun frá atvinnurekstri og mengunarvarnaeftirlit.
- d) Reglugerð um hollustuhætti nr. 941/2002.
- e) Reglugerð nr. 884/2017 um varnir gegn olíumengun frá starfsemi í landi.
- f) Reglugerð um hávaða nr. 724/2008.

8. Starfsemi hætt.

- 8.1. Tilkynna skal Heilbrigðiseftirliti Vesturlands ef starfsemi fyrirtækisins er lögð niður.
- 8.2. Leggist starfsemin niður skal öllum hættulegum efnaleifum og ónothæfum efnum skilað til móttökustöðvar fyrir hættulegan efnaúrgang.

9. Ýmis skilyrði.

- 9.1. Skylt er að tilkynna öll mengunaráhöpp til Heilbrigðiseftirlits Vesturlands.
- 9.2. Almanningur á rétt á upplýsingum um niðurstöður mengunareftirlits vegna rekstursins hjá eftirlitsaðila. Heilbrigðisnefndum, heilbrigðisfulltrúum og starfsmönnum Umhverfisstofnunar skal heimill aðgangur að fyrirtækinu til skoðunar og eftirlits.
- 9.3. Forsvarsmönnum fyrirtækisins er skylt að veita þessum aðilum allar upplýsingar sem nauðsynlegar eru vegna eftirlitsins svo og að afhenda sýni endurgjaldslaust.
- 9.4. Fyrirtækinu ber að greiða Heilbrigðiseftirliti Vesturlands gjald vegna útgáfu og kynningu á starfsleyfinu svo og árlegt eftirlitsgjald samkvæmt gjaldskrá Heilbrigðiseftirlits Vesturlands.
- 9.5. Fyrirtækis skal leitast við að flokka sorp í samræmi við ákvarðanir stjórnvalda.

Hvalfjarðarsveit apríl 2020